

Powšitkowne WOZJEWJENJA

njedźelu, 14. meje 2017

Mejski nyšpor TCM w Róžeńće

Na našim serbskim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěрили do zrowastanjeneho Chrystusa. Do paćerja chcemy tež wšu swětowu cyrkej zapřijeć, spominać na zjewjenja w Fatimje před 100 lětami a so wo měř na zemi modlić. W tutym zmysle přeprašuju w mjenje Towarstwa Cyrila a Metoda z.t. (TCM) wěriwych ze wšitkich wosadow tutu njedźelu, 14. meje, w 17.00 hodž. na wosebity mejski nyšpor do hnadowneje cyrkwje w Róžeńće. Chór Chór I. serbskeje kulturneje brigady pod nawodom Friedemanna Böhmy jón hudźbnje wobrubu. *Jurij Špitank, předsyda TCM*

Wulět samostejacych

Samostejacy ze serbskich wosadow změja srjedu, 31. meje, swój lětuši zhromadny wulět z busom, kotryž powjedže do Kamjenicy a Rudnych hór. Zajimcy njech so hač do póndźele, 22. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Nalětni koncert w klóšterskej zahrodže

Wšitkich zajimcow zbliska a zдалоka přeprašuje chór Lipa zhromadnje z Křescansko-socialnym kubłanskim skutkom na nalětni koncert, kotryž budže njedźelu, 21. meje, w 15.30 hodž. na zahrodže Zežiwjenskeho a zeloweho centruma w klóštrje Marijinej hwězdze w Pančicach-Kukowje. Pisany program k 110. róčnicy chóra wuhotuja spěwarki a spěwarjo z Lipjanskej džěčinu a dujerskej kapału Horjany. Wot 15.00 hodž. poskića kofej a tykanc.

Zhromadny dzeń za 4. a 5. lětnik

Dekanatne dušepastyrstwo přeprašuje šulerki a šulerjow 4. a 5. lětnika sobotu, 20. meje, wot 9 do 15 hodž. do Don Boskoweho domu we Worklecach. Zajimcy njech so prošu hač do wutory, 16. meje, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždého wobdźělnika přinošk, kotryž wučinja štyri eura.

W lětnich prózdninach do Sakskeje Šwicy

Dekanatne dušepastyrstwo přeprašuje šulerki a šulerjow wot 6. do 8. lětnika wot 17. do 20. julija na zhromadne dny w Rosenthalu-Bielatalu. Nadrobniše informacije nańdžeće na wupowěsnyjenych plakatach w serbskich wosadach kaž tež pod www.posol.de.